



*Senin, 31 Mei 2021*

**Ogen: Kuan kuanen 19 : 11**



**“Ngalemi Tanda Pentar”**



Ibas pengalaman pelayanen sebagai sekalak konselor, ndampingi kalak si lit masalahna, si depresi ras ngenanami akar pahit bagepe luka batin , inti si idat ije eme pengampunan. Kai pe pinakitta adi lit kaitenta ras 'marah' dendam jenari seh kita ku bas mengampuni sienda mabai kubar sada penyembuhan, malem kin pinakit e adi nggit kita mengampuni sada ras sidebanna. Janah ibas kita mengampuni e situhuna labo kalak sideban ngenca si tertambari je tapi sekaligus kita pe malem sebab lanai lit ateta nembeh kalak sideban, lanai kita erelem elem. Lit kata motivasinina *'Akal budi membuat Orang panjang sabar, dan orang itu dipuji karna memaafkan pelanggaran.* Jadi perlu kel kesabaren lit ibas dirinta gelah dame pusuhta. Arah kita rukur jadilah min je panjang sabar dengen ngasup kita ngalemi, anem gia mesera pasti banci si lakoken adi kita nggit. Jadi kuncina 'Nggit' emaka sibuka pusuhta gelah nggit ngalemi salah kalak sideban, em tandana kita pentar. Ibas kepentaren enda situhuna dampak positifna man dirinta nge sebab kita pe ngasup memanage diri ras perasanta.

Terbagesen ipersingeti kitab Kuan kuanen nina kalak pentar ikuasaina dirina, terpuji ia perban iperdiatekenna kesalahan kalak sideban. Arah kata enda perlu kel kita engkuasai dirinta gelah ngasup ngalemi salah kalak sideban. Ula min sempat kita erbahan pusuhta la dame arah kita la nggit ngalemi salah kalak sideban. Mari tole sigargari pusuhta, enggo nge kita erdame sada ras sidebanna? Subuk ibas jabunta, keluarga, ras temanta sada kiniteken ? Ula si pejangjang pusuh perukurenta, nggit erdame tanda kalak pentar, jadilah kita ndehara , moria si pentar ibas mengelola perasaanta sebab perasaan tidak pernah bohong. Iakuina kerina kai si jadi si erbahansa pusuhta la tenang ras la nyaman.

*☞ Pebelin biak rukur positif ras nggit ngalemi salah*